

COMUN: Consulënza dla **Defensuria zivica** en vëndres, ai 14 de ma, tla ciasa de comun, dales 14.00 ales 17.00, ma sön prenotaziun 0471 946 020

PLOANIES SAN MARTIN Y LUNGIARÜ

Dis dles crusc: al é gnü fat fora da jí ma a La Pli en prozesciun, en sabeda, ai 15 de ma. I piun ia dales 7.30 dala capela da Longega demez jon a la Pli da Santa Maria dl Bun Consëi, olache al sará na mëssa alaleria.

I atri dui dis dles crusc, jöbia y vëndres, é düc dër bel invia da perié personal-mënter, da jí te val' dlijia o capela, ala corona de ma it'a Bioch o da tó pert en vëndres sëra al'ora de adoraziun tla dlijia da San Martin.

Dëidesse da daidé: lö dëidi te mia detlaraziun dl davagn cun mia sotescriziun por la destinaziun dl 8 pormile ala Dlijia catolica y dl 5 pormile ales organisa-ziuns catoliches soziales.

SAN MARTIN

En dedemesaledema vëgnel indô **sié la cortina** dales 17.00 inant. Chi che á dlaurela da daidé é dër bel invia. En caje de bur tēmp vëgnera siada la jöbia.

LUNGIARÜ

En chësc lönesc da doman, **ai 10 de mã, vëgnel lavè la dlijia da Lungiarü;** deache l'ann passè n'é la dlijia nia gnüda lavada; i periun en chësc ann dër bel do tröpes mans arjignades da daidé. Nia ma jones y ères é inviaades, mo ince jogn y èi. Präibel y a chi che sciafia damperfora n dilan fort!

Les mitans Alexa, Angelica, Yuna, Samira y Arianna y i mituns Janluca, Aaron y Daniel vá en domënia, ai 16 de mã, ala Pröma Comuniun y se conforta a súa festa, a chëra ch'i orun düc to pert incër la medema mësä. Por gauja dles restriziuns gnarál te dlijia ma lascé ite porsones che á n invit; mo prochël pó chi che á n **test negatíf tó pert ala mësä "streaming" tla palestra.**

Sorvisc ai Jogn Val Badia - orars y contac:

SaJ: strada Picolin 22, 39030 San Martin de Tor; cod. fisc. 92004490212; tel 0474-523070 - 342 84 27 430; info@jogn.org; www.jogn.org. facebook.com/sajvalbadia; orar: lönesc - jöbia dales 8.00 ales 12.00

SaJ.un: Zënter dla jonëza y dla cultura strada Colz 75; 39036 La Ila; tel 0471-1888197; orar: vëndres dales 13.00-20.00, sabeda dales 17.00-21.45; sajun@jogn.org, www.jogn.org, facebook.com/Sajun

En dedolönesc, ai 11 de ma, dales 15.30 ales 17.00, vëgnel tigní **consulënza sura le marcé y le monn dl laur** da Giorgio Costabiei tl Sorvisc ai Jogn a Picolin debann y sön prenotaziun (info@jogn.org o 0474-523070). An podará baié un por un cun le consulënt.

Pro i **"Dis de preparaziun al maridé"**, organisá ai 29 y 30 de ma tl Zënter dla Jonëza y Cultura a La Ila, pón ciamó se scrí ite cina en jöbia, ai 13 de mã. Le curs che vëgn tigní por ladin (a pert le referat dla efom Julia Cappelletto por todësch) prevëiga referac y formaziun ti ciamps dla comunicaziun, relaziun, spiritualité, sanité y dërt. Le cost é de 180 € (curs + 2 iadi marëna).



Plata dles Ploanies San Martin y Lungiarü

ploan Klaus Sottsas 344 15 54 055 - klsottsas@rolmail.net
siur curat Heinrich Perathoner 339 65 74 213

redaziun: anton.gasser@rolmail.net - 348 27 44 517 / 0474 523 194

www.valbadiaonline.it/comunita

09.05. - 16.05.21 nr. 24

SESTA DOMËNIA DE PASCA - B

Vangele do Jan 15,9-17

Sciöche le Pere m'á orü bun, insciö ves ài incé iö orü bun. Romagnede te mi amur! Sc'i osservëis mi comandamënc, romagnëise te mi amur, sciöche iö à osservè i comandamënc de mi Pere y romagni te so amur. Chësc ves ài dit, por che mia ligrëza sides te os y por che osta ligrëza devëntes plëna. Chësc é mi comandamënt: Orësse bun un al ater sciöche iö ves à orü bun. Al n'é nia n maiü amur co sce un dà ca súa vita por sü amisc. Os sëis mi amisc, sc'i fajëis cí ch'i ves dà sö. I ne ves diji nia plü fané, deache le fant ne sa nia cí che le patrun fej. I ves à dit amisc, cíodich'i ves à comuniché döt, cí ch'i à aldì dal Pere. Nia os ne m'ëis chirì fora, mo iö ves à chirì fora y ves à destiné ch'i jëise y portëise früt y che osc früt romagnes. Spo ves darà le Pere döt do cí ch'i le periëis te mi inom. Chësc ves comani: Orësse bun un al ater!



*Al n'é nia n ater vangele tan rich de amur
a chël che Gejú ó nes lascé tó pert.*

Gejú nes ó tan bun co le Pere tl cil ti ó bun a d'ël.

Y al ó ch'i restunse te chësc amur.

*Al ó nes lié al Pere cun nosta fedelté a sü comandamënc
che é consëis che la mina buna cun nos.*

L'amur al Pere ti dá a Gejú na gran ligrëza

y al ó che chësta súa ligrëza nes implësces ince nos.

L'amur che Gejú nes á scinche ól ch'i nes scincunse inant danter nos.

Al ó ch'i sunse sü amisc y al nes á confidé döt cí ch'al á aldí da so Pere.

Al ó ch'ara nes vais bun y chi portunse früt.

Y al nes impormët ch'i ciafun dal Pere döt, do cí ch'i le periun te so inom.

EDEMA	SAN MARTIN	LUNGIARÜ	De dla uma
09.05.21 SESTA DOMËNIA DE PASCA - B Festa dles Umes	9.00 Corona por + Pire Erlacher 9.30 Gran Mëssa por la Comunité de rengraziamënt por les umes + suor Fidelia (Angela) Ferdigg 2ª de sopoltöra de + Pire Erlacher 19.30 Corona de ma sö Ju	7.55 Corona de Ma 8.15 Gran Mëssa por la Comunité 15.00 Corona tla capela de S. Ojöp Fr.	 Canch'i n'â ciamó degügn mituns, m'imaginâi ch'al foss val' de saurí y nia de compliché da ester uma. Vigni ann él n gromun de ères che devënta umes, y chësc da canch'al é jënt al monn. Insciö pël che chësc sides le plü normal, natural y scëmpl dl monn, o? Canch'i ê gnüda por le pröm iade uma, ái sintí che döt n'é te n iade nia plü tan saurí co ch'i minâ. Te n iade án responsabilité 24 ores al de, 7 dis al'edema, 12 mëisc al ann - y chësc por i proscimi 18 agn. Nou, pordërt por tres. De chësc vëgnon pormó sura, canch'an tëgn so pope por le pröm iade ti brac. - tan pice, tan debl, tan indefenü. Da ti ciaré a chësta picia creatöra mëton man da ponsé ch'an mëss funzioné da sëgn inant, por tres, sciöche porsona, sciöche ëra de ciasa, sciöche uma. Te n iade tomel ados na responsabilité che vëgn datrai pesocia. Y spo danter les mudaziuns dl corp, la forma nōia dl amur che mëss cialé so tru, passel mile domandes fora por le ce. Mo - sides rengrazié Idî - tl medemo tēmp éson implides, contēntes y fortunades, se sinton completamēnter nōies. An é stada ëra y é gnüda uma. Ó forsc chësc propi dí ch'an pó ma plü ester uma? I mini ... a funz dl cör sarán y restarán uma por dagnora B.K.M. Al é umes che perd süa creatöra che á metü man da vire te so gremio, o che mëss odëi morin sü mituns - ince ères resta umes. So raport impará resta vi. Ince sce le dolur é gran y ne se lascia nia splighé, pó la fede daidé da azeté y da abracé la crusc. A.P.
10.05.21 Lönesc <i>Gordian, Antonin</i>	19.30 Corona de ma a Picolin		
11.05.21 Dedolönesc <i>Iachin, Fabio</i>	19.00 Mëssa + Sepl Trebo, Pension Tor por le Animes dl purgatore		
12.05.21 Dedemesaledema <i>Pancraz, Achil, Imelda</i>	19.30 Corona de ma te dlijia 20.00 Corona de ma sö Frëina/Mirí	7.30 Mëssa + Roslinda Deiaco dl ann + Albino Clara, Brocia dedô Corona de ma	
13.05.21 Jöbia dles Crusc <i>Maria da Fatima, Servaz</i>	7.30 Mëssa de rengraziamënt por les püres Animes Corona por Vocaziuns 19.30 Corona de ma it'a Bioch	19.30 Corona de ma fora Bioch	
14.05.21 Vëndres dles Crusc <i>Bonifaz, Costanz</i>	18.30 Adoraziun chîta 19.00 Adoraziun deboriada	7.30 Mëssa + Celestina Unterweger por les püres Animes	
15.05.21 Sabeda dles Crusc <i>Sofia, Sonia, Isidor</i>	7.30 da Longega cun Crusc sö La Pli 9.00 Mëssa sö La Pli en onú di S.Maria 19.30 Mëssa prefestia fam. Pedevilla, Mirí 3ª de sopoltöra + Pire Erlacher + + Carlo y Hannele Zingerle dl ann	7.30 da Longega cun Crusc sö La Pli 9.00 Mëssa sö La Pli en onú di S. Maria 18.00 Mëssa prefestia por la Uniun dles Ères en onú de S.Ojöp por fam. Mischi da Miscí aniv. + Iaco Mischi + Leo Oberhofer + Gottfried Dapoz	
16.05.21 FESTA DL'ASSËNZA ASCENSIUN DL SIGNUR - ann B	9.00 Corona de ma 9.30 Gran Mëssa por la Comunité + Pire Erlacher (dla Uniun) + siur Angel Morlang 19.30 Corona de ma sö Ju	Festa dla Pröma Comuniun 9.00 Ingres y Mëssa por la comunité cun Pröma Comuniun 15.00 Corona tla capela de S. Ojöp Fr.	